



Claudii Fleurii Abbatis Historia Ecclesiastica

Ab anno Christi 1635. usque ad annum 1643

Fleury, Claude

August. Vind. [u.a.], 1779

VD18 9011888X

§. 71. Anceps Caroli I. Angliæ Regis bellum contra rebelles subditos suos.

[urn:nbn:de:hbz:466:1-67406](#)

nio acta Sanctorum ab Heriberto Ros- Sæc. XVII.
weido inchoata perficere aggressus est, A.C. 1643.
atque hoc anno duo volumina, vitas
Sanctorum, quorum memoria in Mense
Januario occurrit, complectentia Ant-
verpianis typis excudi curavit, & de-
cimo quinto post anno Sanctorum gesta
ad Mensem Februarium tribus volumi-
nibus edidit; quo fatis functo ex ea-
dem Societate alii (utinam omnes ea-
dem moderatione & modestia) con-
spicuum hoc opus prosecuti sunt: De-
mum funestam hoc anno sortem expe-
riebantur Melitenses Jesuitæ, qui ob
graves causas ex hac Insula ejectedi, jure
an injuria, de avaritia, & morum li-
centia postulabantur.

§. LXXI.

*Anceps Caroli I. Angliae Regis bel-
lum contra rebelles subditos suos.*

Obfirmata rebellis Parlamenti perva- *Rusworth*
cacia Carolum I. Angliae Regem *Vol. V.*
ad auctoritatem suam armis tuendam, *pag. 157.*
bellumque prosequendum hoc item an- *Salmon hist.*
no compulit: Enimvero Regina oppref- *Chron.*
so Marito suo suppetias ferre, toto stu-
dio nitebatur, eique navim unam ar-
mis, annonam, bellicoque apparatu o-
nusquam submiserat, nimis tenue tamen
erat hoc subsidium contra armatam Pu-
rita-

Zz 2

Sæc. XVII. ritanorum ferociam, quamvis & illud
A. C. 1643. rebelles subditi legitimo suo Regi invi-
derint, ac Comes Warwiclus seditionis
classis Architassus hanc unicum navim
acriter insectatus fuerit, cumque Par-
lamenti Senatores compertum habe-
rent, quod Regina, opitulante Ara-
tionensi Principe genero suo, ab Hol-
landis suppetias obtinuisse, mox Wal-
terum Stricklandum ad eos desuper
questum mittebant: unde Hollandi,
cum ita afflictæ Reginæ succurrere vel-
lent, ut tamen Parliamentum non of-
fenderent, arma in Angliam transferri
prohibuerunt, clam tamen Reginæ re-
ditum in Angliam paranti amplam ar-
ma & copias secum devehendi faculta-
tem concessere, & nihilominus unam
ex Regiis hisce navigiis interceperunt:
Tandem Regina die vigesima secunda
Februarii Bridlingtonii portum cum
navibus suis ingressa est, Eboracum
profectura: altera autem die quatuor
seditionis forum navigia in eundem portum
invehebantur, bellique tormentis Re-
gias naves tam acriter impetebant, ut
glandes plumbei in urbem immisli ipsam
domum, ubi Regina ab itinere fessa
quieverat, magno numero attingerent
eamque ad pauperis rustici casam pro-
fugere compellerent: Aerius adhuc in
ipsum Regem desæviebant; postquam enim

enim Guilielmus Wallerus Farnha- Sæc. XVII.
mium, Cicestriam, Leedesiam, Dun- A.C. 1643.
castrum, & Wackenfeldam seditiosis
armis Regi eripuerat, cunctas ferme
Provincias ad arma contra Regem ca-
pessenda incitarunt, atque Eboracen-
ses & Chestrienses, qui neutri parti ad-
hærere decreverant, ut se Parlamenti
partibus jungerent, exhibitis etiam
minis compulerunt, ne Rex copias
suas in uno loco unitas tenere posset,
sed illas per universum Regnum disper-
fas habere cogeretur: Sub idem tem-
pus Rex quosdam, qui in nupero præ-
lio gladium contra Regem suum strin-
gendo capti fuere, Oxonii capite dam-
nabat, quos tamen Parlamentum non
modo liberavit, sed etiam illos, qui
ex debiti obsequii lege Bristolum
urbem Regi suo conservare nitebantur,
sub coniurationis obtentu capite plecti
jussit, incassum reclamante, ac com-
minante Carolo Rege, eodem viciissim
suppicio interimendos, qui ex Parla-
menti exercitu nuper capti fuissent. Ut
vero utriusque Curiæ Senatores Re-
gem pacis fiducia sopirent, ipsi vero
vires suas augendi spatium nancisce-
rentur, rursus primo cessationem ab
armis, ac demum pacis negotiationem
Regi obtulerunt, præscriptis tamen
conditionibus adeo inquis, ut eas a

Zz 3

Rege

Sæc. XVII. Rege respui, probe prospicerent. Fr.
A. C. 1643. ñta demum patientia Rex expugnata
Marleburgensi arce Radulpho Hopto-
nio negotium dedit, ut rebelles armis
coercere niteretur: Hic ergo, promotis
Leskardum versus castris, in seditione
sum agmen irruit, captisque plusquam
mille ducentis, ceteros unacum Ru-
theno Plimuthi Gubernatore, in fugam
egit, occupatoque belli apparatu, om-
nique re frumentaria, paulopost Stratoti-
riæ iterata clade seditiones fudit, cap-
tisque mille septingentis universam
Cornubensem Provinciam Regis im-
perio restituit. Parta hac victoria Lu-
cas Regiæ legionis Tribunus Belve-
riam arcem intercepit, & Robertus
Princeps Palatinus expugnata Cice-
striensi arce, captisque mille ducentis
præfidiariis unacum Gubernatore, Bro-
michanam, & Lichelfdiam Parlamenti
urbes occupavit, perviumque ac tutum
iter Oxonium inter & Eboracum resti-
tuit. Pari successu Regii prope Stafor-
diam seditionis agmen die vigesima
nona Martii fuderunt, desiderato ta-
men Northamptono Regi fidelissimo.
Vicissim vero rebelles, Maldunensi ur-
be Regi erepta, duo in Walliæ Prin-
cipatu recens conscriptorum millia in
captivitatem abstraxere, Essexius quo-
que Comes die sexta Maij Radingam,
potius

potius Fieldingi Gubernatoris ignavia, Sæc. XVII.
 quam oqvgnationis violentia in dedi- A. C. 1643.
 tionem accepit, incassum Rege labo-
 ranti urbi suppetias ferre festinante:
 Postmodum crebris dimicatum est ve-
 litationibus, Regiis nunc devictis, nunc
 victoribus: rebellibus tamen oppido
 funesta accidit clades, qua Robertus
 Princeps expugnatis Essexii castris se-
 ditiosos Chalgravii ferme ad interne-
 cionem delevit, trucidato etiam Joanne
 Hampdeno, præcipuo seditionis in-
 centore.

§. LXXII.

*Scoti rebelles a Parlamenti Senatori-
 bus contra Regem suum in An-
 gliam evocati.*

Quantumvis Angli rebelles iterata
 clade, & grassante in castris lue <sup>Rapin Tho-
 ras Hist.</sup>
 magno numero confecti essent, atque ^{d'Angl. t. 9.}
 inhumanam juxta ac iniquam Regis ^{p. 427.}
 vexationem abhorrentes Hugo Chol- ^{Salmon t. c.}
 mondlegus, Chudeighus, ejusque Fi-
 lius, Wilmotus, Bedfordius, Hollan-
 dus, & Clavius Comites, Conwayus,
 Biddifordius pluresque alii primæ di-
 gnitatis Proceres abdicato rebellium stu-
 dio ad Regis obsequium reverterentur,
 imo ipsemet Rex denuo subditis suis
 pacem obtulisset, nihilominus tanta

Zz 4 erat